

NOTULE VAN SPESIALE ALGHEMENE VERGADERING GEHOU OP 17 OKTOBER 2012 IN DIE KLUBHUIS; VERHOGING VAN LEDEGELDE

Athol Pratt open die vergadering met gebed.

1 Verwelkoming

Die President, Jannie Strydom, heet almal welkom.

2 Teenwoordig

54 Lede woon die vergadering by.

3 Konstituering

Volgens die Grondwet moet 25% van die lede teenwoordig wees, dws 40 lede, en die Voorsitter verklaar die vergadering gekonstitueer.

4 Die Voorsitter, Jannie Strydom, lig die vergadering in oor die finansiële toestand wat ontstaan het as gevolg van onvoorsiene omstandighede.

5 Die volgende punte is van belang:

5.1 Munisipale elektriese krag is met 11% verhoog.

5.2 Munisipale huur het met 42% gestyg.

5.3 Die Klubgebou was vir versekeringsdoeleindes onderwaardeer (R4500 ipv R2100) wat daarop neerkom dat ons versekeringspremium verhoog het met 24%.

5.4 Mnr Theuns Fraser se driejaar kontrak het verval en dit is aan 'n nuwe kontrakteur toegeken met 'n bedrag van plus/minus R12000 per klub.

5.5 Daar is uit 'n betroubare bron verneem dat BOWLS Gauteng North (BGN) se rolbalklubs, binne die afsienbare toekoms, die instandhouding van hulle perke self sal moet onderneem en eie toerusting daarvoor aanwend.

5.6 Affiliasie gelde aan Bowls South Africa (BSA) en Gauteng North (BGN) gaan na verwagting met tussen 6 en 10 %styg .

5.7 Tot dusver moes ons sowat R4000 vir bogrond vir ons perke aanwend.'n Verdere plus/minus R20,000 is ge-oormerk vir toerusting.

5.8 'n ander uitweg uit ons penarie is dat ons sê vanaf November 2012 'n baanfooi hef. Dit sal beteken dat 'n speler wat sê vierkeer per maand speel, teen R5 per keer, R20 sal moet betaal, dws ongeveer R200 per jaar.

5.9 Die Bestuur se voorstel is dat ons die jaargelde verhoog na R700, dws 'n verhoging van R70.

6 Piet Stroebel sekondeer die voorstel.

7 Piet Mulder kry 'n spreekbeurt. Hy is van mening dat ons moet wag totdat Tshwane Munisipaliteit hulle verantwoordelikheid vir die onderhoud aan perke, aan die klubs oordra. Hy wys daarop dat baie lede finansiël swaarkry en moeilik die addisionele verhoging aan ledegelde kan bekostig. Hy dien 'n voorstel in dat die ledegelde bly op R630, soos goedgekeur gedurende die Algemene Jaarvergadering van 4 Augustus 2012.

8 Jana Botha sekondeer die voorstel.

9 Daar word vervolgens oorgegaan na stemming.

10 Die vergadering aanvaar die voorstel dat ledegelde na R700 verhoog word na opsteek van hande.

11 Die vergadering verdaag om 14.35